

खबरां

- गृहमंत्रालय दी उच्चाधिकार हासल समीति नै नमीं दिल्ली च लद्दाख दे नेताएं कन्नै बक्ख-बक्ख मुद्दे पर गल्लबात कीती।
- कुल वन क्षेत्र दे मामले च भारत विश्व स्तर पर 9मीं थाहर पर पुज्जी गया ते सालाना वन वृद्धि च तीसरी थाहर पर बने दा ऐ।
- भारत दी नवीकरणीय ऊर्जा क्षमता 11 बरे च 5 गुणा बढ़ियै 35 गीगावाट थमां 197 गीगावाट होई गेई ऐ।
- बिहार चुना शा पैहले आर.जे.डी. नै जीविका दीदियें गी सरकारी नौकरी देने पर वायदा किता, बी.जे.पी. नै इसी खोखला वायदा दसेया।
- भारतीय मौसम विभाग नै तमिनाडू, पुडुचेरी ते उत्तरी आंध्र-प्रदेश लेई बारी बरखे दी चेतावनी जारी कीती ऐ।
- ओलम्पिक सुन्ने दा तमगा जेत्तू नीरज चोपड़ा होरें गी भारतीय सेना च लैफ्टिनेंट कर्नल दी मानद रैंक प्रदान कीती गेई।



HM Ladakh Talks

गृहमंत्रालय दी उच्चाधिकार हासल समीति नै अज्ज नमीं दिल्ली च लद्दाख दे नेताएं कन्नै बक्ख-बक्ख मुद्दे पर गल्लबात कीती। पिच्छले महीने केन्द्र शासित प्रदेश च हिंसा दे बाद थमां एहू प्रमुख मुद्दे पर पैहली औपचारिक गल्लबात ही। लद्दाख पर गृह-मंत्रालय दी उच्चाधिकार हासल समीति राएं शीर्ष निकाय लेह, ए.बी.एल. ते कारगिल डैमोक्रेटिक एलायंस के.डी.ए. कन्नै संवाद तंत्र स्थापित किता गया ऐ। साहडे लेह संवाददाता दी रिपोर्ट मुजब लद्दाख दे प्रतिनिधिमंडल मुख् मुद्दे गी जिंदे च राज्य दा दर्जा ते लद्दाख गी 6में शेड्यूल च शामिल करना ऐ गी अगगे रखगंन।



Health Minister -CPR Awareness Week

स्वास्थ्य मंत्रालय नै आखेया जे सी.पी.आर जागरुकता हफ्ते दौरान देश भर च 6 लक्ख 6 हजार शां मते प्रतिभागियें गी सी.पी.आर. प्रशिक्षण कार्डियो-पलमोनरी Resistation दिता गया। मंत्रालय नै इस महीने दी 13 थमां 17 तरीख तोड़ी अखिल भारतीय सी.पी.आर जागरुकता हफ्ते दा आयोजन कीता। व्यापक भागीदारी ते जागरुकता यकीनी करने लेई पूरे हफ्ते केई गतिविधियां आयोजित कीतियां गेइयां। 14 ज्हार शा मते प्रतिभागी (ई.सी.एच.ओ.) प्लेटफार्म ते यू-ट्यूब लाईव राएं कारजक्रम च शामिल होए। कोई 79 हजार लोकें नै माई गोव प्लेटफार्म राएं डिजिटल संगंध लैती।

लोकें गी डिजिटल रुपै नै जुड़ने लेई माई गोव ते माई भारत प्लेटफार्म पर सी.पी.आर. प्रश्नोत्तरी बी आयोजित कीती गई। इंदे च 36 हजार शा मते लोक शामिल होए। मंत्रालय नै दस्सेया जे हफ्ते दौरान कोई 7 लख 47 हजार शा मते लोकें नै मल्टी मॉडल सी.पी.आर. जागरुकता गतिविधियें च हिस्सा लैता।

<><><><><><>

India Forests

भारत नै दुनिया भरै च वन क्षेत्र च 9मीं थाहर पर आइयै वैश्विक पर्यावरण संरक्षण च महत्वपूर्ण उपलब्धी हासिल कीती ऐ। इंडोनेशिया दे बाली च खाद्य ते कृषि संगठनें आस्सेया जारी वैश्विक वन संसाधन आकलन 2025 च एह जानकारी दर्ज कीती गई। पर्यावरण मंत्री भूपेन्द्र यादव होरें आखेया जे पिच्छले आकलन च 10मीं थाहर थवां ताजा आकलन च 9मीं थाहर पर औना बड्डी उपलब्धी ऐ। उनें आखेया जे प्रगति वन संरक्षण ते समुदायिक जत्नें राएं पर्यावरण संरक्षण दी दिशा च सरकार दियें नीतियें ते कार्यक्रमें दी सफलता गी दर्शादी ऐ।

<><><><><><>

PM MKB

प्रधानमंत्री नरेंद्र मोदी होर औंदी 26 अक्तूबर गी अपने रेडियो कार्यक्रम “मन की बात” दे राएं देश-बदेश च रौहने आहले श्रोताएं कन्नै अपने बचार सांझे करडन। हर महीने दे खीरले ऐतवारें दिनै 11 बजे प्रसारित होने आहले इस कार्यक्रम दी एह 127मीं किशत होग, जेहदे च शामिल करने लेई लोक अपने बचार ते सुझाऽ टोल फ्री नंबर 1800-11-7800 पर भेजी सकदे न। एहदे अलावा लोक अपने बचार नरेंद्र मोदी ऐप जां माई गोव ओपन फोरम पर ऑनलाइन बी भेजी सकदे न। सुझाऽ भेजने दी खीरी तरीक 24 अक्तूबर रक्खी गेदी ऐ। हासल सुझाएं चा ताले गेदे किश बचारें गी इस कार्यक्रम च शामिल कीता जाई सकदा ऐ।

<><><><><><>

Renewable Energy Capacity

देश दी नवीकरणीय ऊर्जा क्षमता च उल्लेखनीय वृद्धि होई ऐ। एह बरे 2014 दे 35 गीगावाट दी तुलना च 5 गुणा शां मता बढ़ियै इक सौ 97 गीगावाट होई गई ऐ। बड्डे जल विद्युत प्रतिष्ठानें थमां उत्पादित बिजली एदे इलावा ऐ। नवीन ते नवीकरणीय ऊर्जा मंत्रालय नै दस्सेया जे सरकार दे बरे 2030 तोड़ी 500 गीगावाट गैर जीवाश्म ऊर्जा दा महत्वकांक्षी लक्ष्य रखेया ऐ। मंत्रालय नै आखेया जे भारत दी नवीकरणीय ऊर्जा वृद्धि दर विश्व दी सब्बने शा तेज दरें च ऐ।

<><><><><><>

Bihar Election

बिहार विधानसभा चुनाव कोला पैहले राजनीतिक दल मतदाताएं गी लुभाने लेई केई वादें करा'रदे न। राष्ट्रीय जनता दल दे नेता तेजस्वी प्रसाद यादव होरें वादा कीता जे अगर महागठबंधन सत्ता च आई तां सब्बै जीविका दीदीयें गी स्थाई सरकारी नौकरी दिती जाग। बी.जे.पी नै इसी खोखला वादा करा'र दिता। बी.जे.पी. दे नित्यानंद राय होरें जीविका दीदीयें कन्नै तेजस्वी यादव हुंदे वादे दी

आलोचना करदे होई आखेया जे उं'दी घोषणाएं च कोई दम नेंई ऐ। उ'नें आखेया जे वादे भ्रम फैलाने लेई ऐन। उ'नें आखेया जे जीविका दीदीयें दे जीव च जेड़ियां खुशिया आइयां न ओ प्रधानमंत्री नरेन्द्र मोदी ते मुख्मन्त्री नीतिश कुमार हुंदी वजह करी ऐ। पटना च संवाददाता सम्मेलन गी सम्बोधित करदे होई तेजस्वी यादव होरें घोषणा कीती जे स्वयं सहायता समूहें कन्नै जुडे हर इक जीविका दीदी गी स्वास्थ्य बीमा ते होरनें लाहें कन्नै 30 जहार रुपे मासिक वेतन थोग। बी.जे.पी. नै दावा किता ऐ जे अगर राष्ट्रीय जनतांत्रिक गठबंधन एन.डी.ए. सत्ता च परतोने आई तां राज्य च विकास दी गति होर तेज होग। बी.जे.पी. दे प्रदेश अध्यक्ष डाक्टर दिलीप जयसवाल होरें विश्वास व्यक्त कीता जे बिहार दी जनता विधानसभा चुना च इक बारी फही एन.डी.ए. गी स्पष्ट बहुमत देग। केन्द्रीय मंत्री ते लोक जनशक्ति पार्टी (रामविलास) दे अध्यक्ष चिराग पासवान होरें सीट बटवारे दे फार्मुलें गी लेइयै महागठबंधन पर निशाना सादेया। उनें आखेया जे बिहार दी जनता समझी गई दी ऐ जे अगर गठबंधन 5 दलें गी इक जुट नेंई रखी सकोग, उनें मेद वक्त कीती जे अगले महीने दी 14 तरीख गी एन.डी.ए राज्य च सरकार बनाग।

<><><><><><>

Gangotri Dham Doors Closed

उत्तराखंड दे उत्तरकांशी जिले च स्थित विश्व प्रसिद्ध गंगोत्री मंदर अज्ज अन्नकूट त्योहार दे मौके पर सर्दियें लेई बंद होई जागंन। मंदर बंद होने दे बाद देवी गंगा दी औपचारिक पालकी अपने सीनालू निवास मुखबा ग्रां लेई रवाना होग। अगले 6 महीने श्रद्धालु मुखबा च जाइयै गंगा मां दी प्रार्थना करी सकगंन। इस बरे गंगोत्री ते यमनोत्री धाम च कोई 14 लक्ख श्रद्धालुएं दर्शन कीते न। तोंआई यमनोत्री ते केदारनाथ धाम दे कपाट कल भाईदूज दे ध्याडे स्याल लेई बंद होई जागंन।

<><><><><><>

Weather

भारतीय मौसम विभाग नै आखेया जे बंगाल दी खाड़ी च घट्ट दबा जोरदार दबा च तब्दील होआ'रदा ऐ। तमिनाडू, पुडुचेरी ते उत्तर आंध्र-प्रदेश च बारी बरखें दा अलर्ट जारी किता गया ऐ। तमिनाडू, चन्नेई, Chengalpattu ते Kanchipuram च भारी बरखें करी स्कूल बंद रखे गे न। तोंआई मकामी मौसम विभाग नै अगले 48 घंटें च तमिनाडू दे अधिकांश तटीय जिलें च बरखें दी मेद बुज्जी ऐ। मुख्मन्त्री M.K. Stalin होरें वरिष्ठ अधिकारियें कन्नै इक बैठक दी अध्यक्षता कीती। उ'नें वीडिया कांफ्रेंस राएं बरखें आहले क्षेत्रें दे जिला कलैक्टरें कन्नै गल्लबात कीती।

<><><><><><>

Neeraj Promotion

नेज़ा सुट्टने आहले खडारी नीरज चोपड़ा होरें गी भारतीय फौज च लैफ्टिनेंट कर्नल दी मानद उपाधि प्रदान कीती गई। अज्ज नमीं दिल्ली च रक्षामंत्री राजनाथ सिंह ते सेना प्रमुख जनरल उपेन्द्र द्विवेदी हुंदी मजूदगी च एह समारोह आयोजित किता गया। नीरज चोपड़ा हुंदी वर्दी पर उन्दे नमें पद दा प्रतीक चिन्ह लाइयै उ'नेंगी आधिकारिक रुपै नै पदोन्नत किता गया। नीरज चोपड़ा होरें दो बार ओलम्पिक तगमा जितेया ऐ। नीरज चोपड़ा होर अगस्त 2016 च नायब सूबेदार दे पद पर इक जूनियर कमीशंड अधिकारी दे रुपै च भारतीय फौज च शामिल होए। उ'नेंगी दो साल बाद अर्जुन

पुरस्कार कन्नै सम्मानित किता गया ते फही 2021 च खेडु दे क्षेत्र च उन्दे प्रदर्शन लेई उ'नेंगी खेल रत्न पुरस्कार थोआ। नीरज चोपडा होरेंगी 2021 च सूबेदार दे पद पर बी पदोन्नत कीता गया हा। टोक्यो-2020 च अपने ऐतिहासिक सुन्ने दे तमगे दे बाद 27 बरें दे भारतीय एथलैटिक गी 2022 च भारतीय सेना दे सर्वोच्च शांति पदक, परम विशिष्ट सेवा पदक कन्नै सम्मानित कीता गया। उ'नेंगी 2022 च सूबेदार मेजर दे पद पर पदोन्नत किता गया ते ओ पदम श्री दे हासलकर्ता बी बने।

<><><><><><>

Prez Karala

राष्ट्रपति द्रौपदी मुरमू होरें अज्ज केरल दे सबरीमाला मंदर च पूजा-अर्चना कीती। केरल दे चंऊ दिनें दे दौरे पर राष्ट्रपति Thiruvanthapuram थमां पथन मथिट्टा पुज्जियां। ओ सिडक मार्ग थमां पहाडी मंदिर दे आधार स्थल पंपा लेई रवाना होइयां। इस कोला पैहले बडुलै केरल दे देवस्व ओम मंत्री वी.एन. वासवन ते होरनें वरिष्ठ अधिकारियें राष्ट्रपति हुंदा सुआगत कीता। राष्ट्रपति द्रौपदी मुरमू होर अज्ज पंपा गणपति मंदिर पुजी ते सबरीमाला मंदिर जाने कोला पैहले इरुमुडी बन्ने सने पारम्परिक अनुष्ठान पूरे किते। राष्ट्रपति होर इस ऐतिहासिक यात्रा लेई इक विशेष वाहन थमां सबरीमाला मंदिर पुज्जियां। राष्ट्रपति होरें दपैहरी दी पूजा दे समापन कोला पैहले सबरीमाला सन्निधानम च दर्शन कीते।

<><><><><><>

Scrutiny By Polls

औंदी 11 नवंबर गी नगरोटा ते बडगाम विधानसभा सीटें लेई होने आहले उपचुनांS लेई दाखल नामांकन पत्रें दी जांच-पडताल दा कम्म अज्ज सबूरा करी लैता गेआ ऐ। इ'नें दौनें असैम्बली हलकें दे रिटर्निंग अफसरें मूजब, नगरोटा हलके लेई 10 नामांकन, जदके बडगाम हलके लेई 17 नामांकन दुरूस्त पाए गे ना। ध्यानजोग ऐ जे इ'नें दौनें सीटें लेई कुल 33 मेदवारें नामांकन भरे दे हे जि'दे चा 20 नै बडगाम ते 13 नै नगरोटा सीट लेई अपनी नामजदगी दाखल कीती दी ही। इ'नें सीटें लेई मतदान 11 नवंबर गी होग जिसलै के वोटें दी गिनतरी 14 नवंबर गी कीती जाहगा। मेदवार जेगर चाहन तां 24 अक्तूबर तगर अपने नांS वापस लेई सकदे ना।

<><><><><><>

LA Session Prep

जम्मू-कश्मीर विधानसभा दा 9वें दिनें दा इजलास कल्लै थमां श्रीनगर च शुरू होआ करदा ऐ जेहदे लेई लोडचदियां सब्बै तैयारियां मुकम्मल करी लैती गेदियां ना। 23 तरीक कोला लेइयै 31 तरीक तगर चलने आहले इस इजलास लेई स्पीकर अब्दुल रहीम राथर हुंदे आसेआ जारी शुरूआती कलेंडर मुजब, इजलास दी शुरूआत पिच्छले ते इस इजलास दरान पूरे होई गेदे विधायकें, सांसदें जां होरनें साबका मिम्बरें गी श्रद्धांजलि देने कन्नै होगा। सदन दी कार्रवाई बाकी 6एं दिनें धोहडी चलगा। इस केहडे इजलास दरान केई महत्वपूर्ण विकास मुद्दें, आम जनता दी भलाई-बेहतरी सरबन्धी विशे ते केंद्र शासत प्रदेश कन्ने जुडे दे मुद्दें उप्पर चर्चा ते कार्रवाई होने दी मेद ऐ। इजलास दरान सुरक्षा ते रमानदारी बनाई रक्खने लेई बी लोडचदे सब्बै बंदोबस्त कीते गेदे ना।

JK Smart Fencing

देसै दे बन्नें दी सुरक्षा प्रणाली गी होर तगड़ा बनाने दी इक बड़ी कोशश दे तैहत भारत सरकार जम्मू-कश्मीर च कब्ज़ा रेखा पर 740 किलोमीटर लम्मी तारबंदी दा दर्जा बधाइयै इसी स्मार्ट तारबंदी च तब्दील करा'रदी ऐ। भारत गी पाकिस्तान दे नजैज़ कब्जे आहले जम्मू-कश्मीर थमां बक्ख करने आहली कब्ज़ा रेखा पर हुन आर्टिफीशियल इंटेलीजेंस, इन्फ्रारेड ते थर्मल स्कैनरें ते होरनें रक्षा प्रणालिएं दे कन्नै लैस कीता जा'रदा ऐ। दर्जा बधाने आहली इस गैहू दा मकसद, बन्ने पारा थमां घुसपैठ दिएं भैड़ी कोशशें दा असल समें च पता लाना ते उ'नेंगी कन्नो-कन्नो नाकाम बनाना ऐ। एहू गैहू, बन्ने पारा आहले आतंकवाद गी खत्म करने ते संवेदनशील सरहदी इलाकें च निगरानी बनाने सरबन्धी भारत दे जतनें दा गै हिस्सा ऐ। इस बारै पेश ऐ साढी एहू खास रिपोर्ट.